

玄、被、字、不、通、，、唐、詩、集、

旭東餘草

莆中李燦暘旭東氏撰

古詩

步和高閬石齋居

書齋自瀟灑與世囂塵絕公子坐其間氣若芝蘭結
檻風飄曲折廊月見明沒應龍翼未伸淵潛豈爲拙
登鎮海樓懷古用沈休文臨高臺

鎮海樓百尺載盡古今愁趙佗

秋草空爾恨黃花易白頭鄉關無處望日暮

署中碧梧書室次韻

風剪秋桐聲愁眠觸早起中聞有

化雨沾芳菲讀書畱種子愧予懶且鍾惟

擬古八首

東海容流水西山匿落日水流去不歸東海未云溢
日落月復生循環不相失人在造化裏貿貿昧此理
一物不知終那能窮其始天地實荒誕萬事都可已
幾見流光回滔滔東流水爲念嚴君平區區薄世榮
秦世失其鹿楚漢爭馳逐日月失其光鬼神亦悲哭

橫戈掃風雲、天地爲傾覆、乃見登壇將、相顧遭赤族、
戰士死如麻、幾人食漢祿、景公殪三士、秦繆殺其良、
當日張子房、辟穀何倉皇、明哲方爲貴、斯人辨滄浪、
男兒重器局、詩書何足誦、亭長奮長劍、良平爲所用、
奈何章句儒、抱此六尺軀、不知當世務、終日託之無、
兀兀以窮年、白髮滿頭顱、何不看驂騑、且起嘶高秋、
江水日日流、江草年年綠、人生自蹉跎、徒然悲踟躕、
仰看百尺松、枝幹有直曲、坦途與世網、倏忽別榮辱、
更看樹上花、開落亦相續、顏難久持、風雨來相觸、

光陰如迅駛、排遣須有局、富貴不可求、惟從我所欲、
江南三月節、桃李吐花多、江南小兒女、未暑著輕羅、
看花款蓮步、泛水買新艖、爲看鴛鴦祿、嬌恨射清波、
公子拂金鞭、逢場駐錦鞵、睨誰家女、風調何徧襍、
女郎亦解事、掬水弄荷錢、雖是行遊好、藏身以爲寶、
嚴霜殺百草、草在霜中萎、草根不自立、徒爾怨霜威、
陰陽有進退、盛衰當其時、霜威亦有歇、芳草仍離離、
人身似芳草、一年一變姿、屢變行當盡、寧與草爲期、
齊景愚亦甚、曷嬰破其癡、有酒須行樂、何必長低眉、

朝來開一花、暮來綻一蕊、暮蕊方吐姿、朝花作敝履、
花顏無幾何、日月如飛梭、佳人怨遲暮、志士恨蹉跎、
獨不見古人、忽忽如逝波、今人相逐來更多、又不見
此時高臺與大榭、當年結構勞精神、斯人埋塵土、冷
日屬比鄰、比鄰那主人、能度幾回春、

馬 賈

少年曾爲客、處處供遨遊、登臨不憚遠、走馬醉芳洲、
看花日幾程、花間發歌聲、恰逢采花人、秋波似寄情、
徘徊花影下、去去不復行、少年何處道、歲月催人老、
昔日行遊人、白髮成蓬草、遐思彼美人、顏色寧舊好、

縱有兩相憶、重逢不相識、何如學魯男、返躬自整飭、

長干行

妾是長干女、來往長江頭、日日對江水、江水朝朝流、
十四年還少、結隊江頭遊、十五嫁夫壻、戲狎似沙鷗、
雙飛兼雙宿、不解分離愁、夜來方告去、曉起發賈舟、
避人拭淚痕、獨自上高樓、憶別日、已多計、行路幾何、
借問北來鴈、君處曾經過、妾識江頭水、那識江外山、
只知江行險、那知行路難、極目秋風寒、掩抑摧心肝、

古別離

風風復雨雨問君行何許低頭不肯言前途向誰語
子夜吳歌
畏作河魚目徘徊就枕遲更愁霜月冷却步下簾帷
妾身無所屬君行知不知

關山月

匹馬度關山馬頭見明月萬樹送秋聲星河搖明沒
漢家事西夷沙磧堆白骨當年李將軍疆場數結髮
邊塞有狼烟男兒當奮發不辨風塵異天地終兀兀
塞上曲

九
東
平原獵燒起、鷹眼下秋旻、走兔忘三窟、駭鹿失其羣、
震聲撼山岳、驕氣排風雲、得獸誰更多、多者號冠軍、
那知塞外人、冒刃觸沙塵、敵騎實縱橫、宇內動刀兵、
取糧千萬里、饋運良苦辛、嗟嗟游獵者、濟濟皆王臣、
平居食重祿、寧無休戚情、養士三百年、誰爲請長纓、

九日

九日登高臺、登高望何所、肅氣來青齊、輕烟連吳楚、
鴈陣過晴川、漁舟泊淺渚、江南小女兒、聯肩歌白紵、
聞海深秋客、低頭歎孤旅、同是行遊人、悲樂在所處、

姑蘇四首

荆人初敗越，叱咤風雲驚。
勾踐甘囚首，夫差震雄聲。
奈何忘父仇，終許越人平。

江城風正起，吳女櫓歌催。
歌韻涵湖氣，吹落舊蘇臺。
臺草年年綠，水流去不回。

當年吳宮月，曾照歌舞來。
西施辭廊廡，此地鞠秋萊。
悠悠千百載，玉鏡向誰開。

舞鶴猶有市，紫烟化不回。
要離存故塚，霸業安在哉。
秋風飄客思，取醉對荒臺。

錄別六首

生男挂弧矢，萬里安足辭。曉日明皎皎，照我著征衣。
高堂暗拭淚，不令遊子知。兒女不省事，相喚牽衣啼。
遊子良惘然，臨行意遲遲。鄉鄰來勸慰，君當少壯時。
仲由曾負米，苦力奉慈幃。今爲三釜計，何須悵別離。
遊子心切切，顧視日影移。上堂別慈母，整裝出柴扉。
離亭花過眼，楊柳不舒絢。行行復行行，北風欺客衣。
北風何冷冷，能令遊子悲。仰面慘無歡，鴻鴈盡南飛。
勞馬鑠金勒，爲見夕陽微。飄搖無定宇，人事困清時。

三月青青草、客路轉相依、日隨馬蹄去、映帘露情絲、
吳越逶迤盡、楚天遠微微、沅湘風日冷、長沙亦授衣、
遊子無托足、時光却已非、山容猶改色、况云弱質姿、
前村落照裏、鴉呼反哺兒、小人還有母、倚望意淒其、
旣憎吳楚路、齊魯尙奔馳、他鄉日就深、紅顏日就衰、
中原一立馬、回首念所思、極天惟雲水、不見鷓鴣啼、
誰道酒如澠、誰道肉如坻、旣唱孤兒行、又唱惡人題、
別離矜少壯、歲月理推移、能釋中情苦、曦和不向西、
若木猶可折、東海亦可夷、夸父無足力、精衛未爲癡、

金臺六十里、孤劍來中逵、冠蓋生顧盼、印綬示纍纍、
間亦一行樂、中心遊子知、罄折爲俛仰、銷沉居易詩、
元英非昔日、碣石春草垂、市中猶有酒、珍重舊鬚髯、
雙丸去如駛、佳會亦差池、一日復一日、勞勞素爲縑、
歸計旣無期、度口恒無資、雨雪動邊風、風乘百結吹、
蹙蹙若岐途、攬策振其綏、遊子謾無所、浮雲忽自歸、
良由不自悟、故鄉豈難期、徒步還鄉里、重振老菊衣、

古意三首

洞洞朱門開、門前春嫋嫋、珠玉映輝煌、車馬芳庭繞、

華屋疊如鱗、美人歌雲表、旣爲一世人、此樂何可少、
將此繁華目、移來一遠眺、華嶽起秋聲、北邙蒼烟擾、
渭水風生寒、秦人歌黃鳥、有福是英雄、箕裘當克紹、
長安百萬家、氣佳終南樹、拂拂來春風、遍浥芳菲雨、
輜輳自萬方、清謹百司署、天子位當陽、濟濟列鳬鷺、
四海何其寧、明良正相遇、才哲轂頻推、不使眞賢鉅、
何人泣牛衣、索米經三度、寂寂顧燈影、工欠長門賦、
廻馬罷朝天、結轡遊花陌、阿閣舞春風、朱樓高百尺、
幔車出名倡、眼中射光澤、結束隨時新、弦歌來相索、

弄指似有思、動唇情益迫、四盼盡目成、專意梁園客、
盛年奄已衰、祇銷孤寒魄、行樂須及時、傷心非往昔、
五言律詩

廣州驟寒

斗覺風聲起、私心殊悵然、祇知來作客、寧計竟無棉、
肅氣先侵耳、凝寒暗迫肩、不嫌裘共敝、自是仲由賢、
寄家楊叟二首

閩越犬牙接、東南環海中、陸行三十舍、水渡一帆風、
客感深秋淚、魂期永夜通、今宵如有夢、却去附艤櫓、

客意爭多少、懷人數短長。傳盃悲老大、看菊覺重陽。
杜草三秋秀、荔支百日香。折來都可寄、道阻心悲傷。
蛩聲

天風吹萬籟、蛩韻助寒聲。微物亦有識、壯夫爲不平。
以君猶解語、如我亦虛生。坐待東山曙、秋雞未報更。
弔湘纍

古今哀屈子、我亦涕滂沱。蘭芷開餘臭、沅湘泣舊濤。
宗臣甘一死、侘傺係作離騷。千載孤忠魄、光爭日月高。

問津

一別閩山後，朝朝問楚津。雖知風景異，猶自
酒待英雄醉。花須富貴春，那教窮老客。花下望沾

山家

結廬山水境，編竹作柴扉。石露青中骨，雲披綠上衣。
歸樵歌隔嶺，返犢背斜暉。若要尋棲隱，此間無是非。

山寺

寺是絕人跡，山門如水清。野猿聽法至，馴鹿夾人行。
日洩疎林影，磬飄亂葉聲。老僧持半偈，欲向度浮生。

舟發二首

此身悲是客、客路轉多愁、日落江湖影、風鳴天地秋、
暮光凝肅氣、夜色入寒流、誤聽長年說、乘潮下潤州、
江行處處險、浪靜亦驚心、况值秋風厲、兼逢夜色陰、
甕匿孤城鐵、山浮一刹金、憂危魂未定、前路尚追尋、

江行二首

路險行將盡、舟孤水不窮、祇教雙醉眼、獨對一江風、
浪捲天兼白、洲迎蓼帶紅、飄搖何日定、心事問秋鴻、
愁來眠不穩、起問夜何其、山寺鐘鳴後、江天月落時、
鄉心千萬里、歸路兩三支、聲落水雲外、斷腸人賦詩、